

四庫全書

子部

欽定四庫全書

子部
太乙金鏡式經卷五至十

詳校官中書臣張經田

靈臺郎臣倪廷梅覆勘

總校官編修臣王燕緒

校對官中書臣宋枋遠

謄錄監生臣藍嘉璐

欽定四庫全書

太乙金鏡式經卷五

唐 王希明 撰

推積年法

推君基太乙法

推臣基太乙法

推民基太乙法

推五福太乙法

推大遊太乙法

天目大煞附

推小遊太乙積年法

推四神太乙法

推天乙太乙法

推地乙太乙法

推直符太乙法

推三元五紀地乙直符立成鈴

推積年法

自上元甲寅之歲至大唐開元十二年甲子歲積得二十八萬五千一十一筭 臣今恐速要自漢安帝元初甲寅為迄至開元十二年甲子歲積得六百一十一筭

推君基太乙法

經曰君基所臨之地至宜服其地或幸其方以應兆也置上元以來以大周三百六十去之不盡為八周以來

年數置八周以來年數以三十除之為邦數不滿為八
邦以來年數其邦數命起戌邦順行十二邦筭外得君
基所在也

推臣基太乙法

經曰臣基所臨之分宜進獻以供聖人也 置上元積
年以來以大周法三百六十去之不盡為八周以來年
數置八周以來年以小周法三十六除之不盡為八周
以來年數又以三約之為邦數不滿為八邦以來年數

命起戊邦順行十二邦筭外即臣基所在也

推民基太乙法

置上元積年以大周法三百六十去之不盡為入周以
來年數又以小周十二去之不盡為入小周以來年數
置小周以來年命起戊邦順行十二邦筭外即民基太
乙所在也

推五福太乙法

經曰五福太乙所臨之分無兵革疾疫饑荒水旱之災

行宮有五四十五年移一宮二百二十五年一周

其一曰黃秘宮在西河之乾地西北方也 其二曰

黃始宮在遼東之艮地東方也 其三曰黃室宮在

東吳之巽地東南方也 其四曰黃庭宮在西蜀之

坤地西南方也 其五曰玄師宮在京都洛陽之地

中原也

置上元積年以來至開元十二年甲子歲積得一萬三
千三百三十一歲若上考往古每年減一下檢將來每

年加一 置積年以大周法二百二十五去之不盡為
八周以來年數又以四五約之為宮之不滿為入宮以
來年數命起乾艮巽坤中宮箕外即五福所在也今開
元十二年甲子在遼東十一年也

推大遊太乙入紀年及天目法

紀法七百二十 以六紀通周得紀法也

元法四千三百二十 是六紀數亦名元紀也

乘行率一百二十

太乙小周二百八十八 以八乘三十六得行率

太乙行宮三十六 以三乘十二也

天目周率二百一十六 以十二乘十八

天目行率十八

自上元甲寅歲太乙在七宮天道為天目子為計神 三十

六年一移宮 命起七宮順行八宮不遊中五為大遊所

在也 自上元甲寅歲距今開元十二年甲子積

一萬三千三百三十一年上元年以來以元法除

之得元數也不盡為八元年也以紀除之得紀數不盡為八紀年也今從晉穆帝永和十年甲寅為上元至今開元十二年甲子計三百七十一年也不足以紀法除之即為八上元第一紀三百七十一年

推大遊太乙所在

天目大煞附

經曰大遊太乙者巡考八宮與小遊同宮一考三十六年十二年治天十二年治地十二年治人考較人君善惡二百八十八年一周而行其伐太乙在陽宮遼東不

見兵太乙在陰宮蜀漢可以全身八三四九為陽宮二
十七六一為陰宮 置上元甲寅所求積年以元法四
千三百二十去之不盡為元以來年數以大遊小周法
二百八十八去之得周數不盡以三十六除之為宮數
不盡為八宮以來年數其宮數命起七宮順行八宮不
遊中五筭外即大遊太乙所在宮

推大遊天目所在法

置上元以來積年以天目元法七十二去之不盡以天目

周法十八去之命起天道順行十六神遇大武陰德重
留一筭外即天目所在也

推小遊太乙積年法

與四神天乙地乙直符同用

置演紀上元甲子歲至大唐開元十二年甲子歲積得
三千三百六十一筭 置積以小遊大周法二百四十
去之不盡以小周二十四除之不盡以三約之為宮數
不滿入宮以來年數命起一宮順行八宮不遊中五筭
外即得小遊太乙所在及入宮以來年數也 小遊主

事見在歲計中自此不復載天目亦然也

推四神太乙法

經曰四神太乙者水神也紀綱有道之代則昌無道之代則殃若臨克賊之鄉兼君無道則兵革水旱飢荒也置上元甲子所求積年以一百八十去之不盡以三十六除之為紀數不滿筭外為八紀來年數其紀數命起第一紀筭外即得四神太乙所在及八紀以來年數也八紀有五三十六為一紀第一甲子第二庚

子 第三丙子 第四壬子 第五戊子 置入紀年
以三除之為宮數不滿為八宮以來年數命起一宮順
行盡九宮又以絳宮明堂玉堂接之筭外即得四神太
乙所在及八宮以來年數也

推天乙太乙法

經曰天乙太乙者金神也取六宮金氣主兵革若累年
兵革相接者天乙臨之即有勝負為金能決斷主兵喪
也 置入紀年與四神同以三除之為宮數不滿筭外

為八宮以來年數命起六宮順行盡九宮又以三宮接之筭外即得天乙太乙所在及八宮以來年數也

推直符太乙法

經曰直符太乙者火神也乃天帝之使者天遣觀察理道於萬民若臨無道之邦即兵革水旱疾疫飢饉流亡也 置八紀年與四神太一同以三除之為宮數不滿為八宮以來年數命起五宮順行盡九宮又以三宮接之筭外即直符太乙所在及八宮以來年數也

四神三元五紀立成

天乙地乙直符同

太歲

四神上元

中元

下元

天乙上元

中元

下元

地乙上元

中元

下元

直符上元

中元

下元

甲子

一九五

六二絳

九

五

一

五一九

乙丑

一九五

六二絳

九

五

一

五一九

丙寅

一九五

六二絳

九

五

一

五一九

丁卯 二絳 六七 三明 絳 六二

六二絳

戊辰 二絳 六七 三明 絳 六二

六二絳

己巳 二絳 六七 三明 絳 六二

六二絳

庚午 三明 七八 四玉 明 七三

七三 明

辛未 三 明 七 八 四 玉 明 七 三

七三 明

壬申 三 明 七 八 四 玉 明 七 三

七三 明

癸酉 四 玉 八 九 五 一 五 八 四

八四 玉

甲戌 四 玉 八 九 五 一 玉 八 四

八四玉

乙亥 四玉 八九五一玉 八四

八四玉

丙子 五 一九 絳 六 二 一九 五

九五一

丁丑 五 一九 絳 六 二 一九 五

九五一

戊寅 五 一九 絳 六 二 一九 五

九五

己卯 六二 絳明 七三 二絳 六

絳 六二

庚辰 六二 絳明 七三 二絳 六

絳 六二

辛巳 六二 絳明 七三 二絳 六

絳 六二

壬午 七三 明玉 八四 三明 七

明七三

癸未 七三 明玉 八四 三 明七

明七三

甲申 七三 明玉 八四 三 明七

明七三

乙酉 八四 玉 一九 五 四 玉 八

玉 八四

丙戌 八四 玉 一九 五 四 玉 八

王 八 四

丁亥 八 四 五 一 九 五 四 五 八

玉 八 四

戊子 九 五 一 二 絳 六 五 一 九

一 九 五

己丑 九 五 一 二 絳 六 五 一 九

一 九 五

庚寅 九 五 一 二 絳 六 五 一 九

一九五

辛卯 絳六二 三明七六二 絳

二一六

壬辰 絳六二 三明七六二 絳

二一六

癸巳 絳六二 三明七六二 絳

二一六

甲午 明七三 四玉八七三 明

三二七

乙未 明七三四玉八七三 明

三二七

丙申 明七三四玉八七三 明

三二七

丁酉 玉八四五一九八 四玉

四三八

戊戌 玉八四五一九八 四玉

四三八

己亥 玉八四五一九八四玉

四三八

庚子 一九五六二絳九五一

五四九

辛丑 一九五六二絳九五一

五四九

壬寅 一九五六二絳九五一

五四九

癸卯 二絳 六七 三 明絳 六二

六五絳

甲辰 二絳 六七 三 明絳 六二

六五絳

乙巳 二絳 六七 三 明絳 六二

六五絳

丙午 三 明 七八 四 五 明 七三

七六明

丁未 三 明 七 八 四 玉 明 七 三

七六明

戊申 三 明 七 八 四 玉 明 七 三

七六明

己酉 四 玉 八 九 五 一 玉 八 四

八七玉

庚戌 四 玉 八 九 五 一 玉 八 四

八七五

辛亥 四 五 八 九 五 一 五 八 四

八七五

壬子 五 一 九 絳 六 二 一 九 五

九八一

癸丑 五 一 九 絳 六 二 一 九 五

九八一

甲寅 五 一 九 絳 六 二 一 九 五

九八一

乙卯 六二 絳 明七三二 絳六

絳九二

丙辰 六二 絳 明七三二 絳六

絳九二

丁巳 六二 絳 明七三二 絳六

絳九二

戊午 七三 明 玉八四三 明七

明絳三

己未 七 三 明 玉 八 四 三 明 七

明絳三

庚申 七 三 明 玉 八 四 三 明 七

明絳三

辛酉 八 四 玉 一 九 五 四 玉 八

玉明四

壬戌 八 四 玉 一 九 五 四 玉 八

玉明四

癸亥 八四玉一九五四玉八

玉明四

太乙金鏡式經卷五

欽定四庫全書

太乙金鏡式經卷六

唐 王希明 撰

推太乙七術序

推太乙臨津問道一

推獅子反擲二

推白雲捲空三

推猛虎相拒四

推雷公入水五

推白龍得雲六

推回軍無言七

推三才以占天地八

推長短以占緩急九

推五音以占災變十

推孤單以占成敗十一

推內外以占攻擊十二

推多少以占勝負十三

推陰陽以占厄會十四

推所主以占吉凶十五

推太乙七術序

太乙術者昔玄女傳授於黃帝黃帝獲之敗蚩尤於涿鹿則前術也其後范蠡習之佐越王勾踐而平吳國終成霸業治平嬴秦失道炎漢將興張良用輔沛公西入關中子嬰銜璧東會垓下項羽摧鋒若然入則為師出

授將畧或攻或守靡不喻茲其法有心故謂之七術焉
推臨津問道術一

臨津問道者常以呂申加敵兵起年當視大神之下是
破年又以呂申加破年大神下是破月又以呂申加破
月大神下是破日又以呂申下加破日大神下是破時
假令敵以甲子年起兵征便以呂申加子則大神臨
卯則敵當在丁卯年五月酉日子時破也

推獅子反擲術二

獅子反擲者常以呂申加敵起年常視大神之下臨囚
死休合破如在旺相間則不破 假令敵以甲戌年起
兵便以呂申加戌則大神臨丑丑且屬艮在東北即知
其敵當在辛卯年破也

推白雲捲空術三

白雲捲空者謂兩陣相敵則課太乙悉宜主客便以呂
申加大將宮看大神囚死休廢者若展旗交鋒攻戰
大敗若臨冠帶士卒戰死若臨帝王不可觸犯 假令

兩軍相見太乙上元第一紀第二局太乙在一宮武德
為天目主箕七大將七參將一寅為計神始擊將臨大
武客箕十三大將三參將九先以呂申加主大將七宮
則大神臨一宮金神火克金經曰我尅者因此名主大
將乘囚氣則主大敗次以呂申加客大將於三宮則大
神臨九宮水神經曰生我者為相此名大神乘相氣則
大勝也

推猛虎相拒術四

猛虎相拒者視敵下營日以呂申加其日太乙大神臨
王相其營不可攻擊衰死蕪墓其營不久見破矣 假
令上元第一紀第七局庚午日下營其日太乙在三宮
便以呂申加三宮則大神臨九宮木神經曰生我為相
此名大神乘相氣此宮不可攻也

推雷公入水術五

雷公入水者常以呂申加太乙宮看大神所臨之下宮
若尅主大將宮將必死尅參將亦然若尅客大將必厄

尅參將亦然不然則士卒奔逃背叛矣 假令上元第一紀第一甲子元十三局丙子日太乙在六宮大炁為為天目主箕十八大將八參將四寅為計神始擊將臨太陽客箕十九大將九參將七便以呂申加太乙於六宮則大神臨八宮屬水主大將八宮亦屬水經曰同類為王此為主大將乘王氣勝 客大將九宮屬木大神臨八宮屬水生我者為相此名主大將乘相氣亦主小勝

推白龍得雲術六

白龍得雲者以呂申加其日太乙宮視大神大將所臨下之宮與主乘旺相宜出軍下營加臨囚死休墓不可出軍若彼陣大將宮刑尅我軍大將宮出戰必死尅小將亦然也 假令上元第一甲子元二十二局乙酉日太乙在九宮陰德為天目主筭十六大將六參將八已為計神始擊將在天道客計三十大將三參將九便以呂申加太乙於九宮則大神臨大武於七宮主大將

在六宮屬金大神下宮生主大將宮經曰生我者為相
此名主大將乘相氣於下營屯軍吉 客大將在三宮
屬土與大神下營同類為旺此名客大將乘旺氣亦利
屯軍下營吉

推迴軍無言術七

迴軍無言者常以呂申加彼軍初來時日太乙宮看大
神下若彼軍臨旺相其下有伏兵宜備之如臨囚死休
廢彼軍自破無能為也立可克之如臨本軍旺相亦自

宜埋伏兵士 假令上元第一紀第一甲子元二十八
局辛卯日太乙在二宮呂申為天目主箕十四大將四
參將二亥為計神始擊將在大昴客計得九大將九參
將七便以呂申加彼軍初來時日太乙在二宮則大神
臨太簇金神客大將在九宮屬木大神屬金金來尅木
我尅者為死此客大將乘死氣無伏兵自破立可克之
經曰欲知諸將休旺者常以同類為旺生我為相尅我
為死我尅為囚我生為休 假令高叢木以呂申大昴

同類為旺以大義地主為相武德太族為死和德大武
太陽天道為囚大神大威為休餘倣此

推三才以占天地人八

三才者天地人也若筮中無十者無天天變則二曜虧
蝕五緯失度彗孛飛流霜電為害也此為筮得一二三
四五六七八九為無天者也 經曰筮中無五者為無
地地有變山崩地震川竭蝗蝻之象此筮得一二三四十
一十二十三十四二十一二十二二十三二十四三十

一三十二三十三三十四此無地也 經曰若筭得一
十二三十三十四為無人人有變口舌妖言更相殘賊
疾疫遷移流亡也

推長短以占緩急九

經曰天目所筭主以長筭宜緩短筭宜急十一以上為
長單九以下為短長多利深入短少利淺入長為勝短
為負也

推五音以占災變十

經曰筮得一二為宮宮有變占在君 經曰一為宮二
為比宮宮有變占在君 經曰筮得三為徵四為比徵有變
占在宗廟 經曰筮得五為羽羽有變占在后妃 經
曰五為比羽羽有變占在后妃 經曰筮得七為商商
有變占在子孫 經曰筮得九為角十為比角角有變
占在疾病

推孤單以占成敗十一

經曰筮孤單以占主客成敗一三七九為單陽二四六

八為單陰一十三為孤陽二十四為孤陰單陽并
孤陽為重陽單陰并孤陰為重陰單陰并不利下不
利客單陽筮不利上不利主人也

推內外以占攻擊十二

經曰筮有內外以占攻擊者為天目前為內可以攻外
後為外可以攻內天目外孤內虛欲舉百事於外欲得
外算於內欲得內算陰德至太陽為內大炁至陰為外也

推多少以占勝負十三

經曰多少以占勝負者客以多筭臨少主人敗客以少筭臨多主人勝也

推陰陽以占厄會十四

經曰太乙在陽宮筭得奇為重陽厄在火太乙在陰宮筭得偶為重陰厄在水若主人得主厄若客得客厄也

推所主以占吉凶十五

經曰筭有所主以明吉凶謂十為將軍五為吏士一為兵卒無此筭者凶若數得十六以上將吏卒備百事吉

也

太乙金鏡式經卷六

欽定四庫全書

太乙金鏡式經卷七

唐 王希明 撰

推太乙積年法

推天皇太乙法

推帝符太乙法

推天時太乙法

推太尊太乙法

推飛鳥太乙法

推五行太乙法

推八風太乙法

推五風太乙法

推三風太乙法

推太乙數

推候十精太乙雲氣法

推太歲有陽九之災法

推太乙有百六之厄法

推太乙積年法

置演紀上元甲子歲至今大宋景祐元年甲戌歲得一
千一十五萬四十九百五十 若考往古每年減一下
檢將來每年加一若求小遊太乙并天目所在義見歲
計若月日時並置其積同法求之惟陰遁取陽遁所衝
各得所在也

推天皇太乙法

經曰天皇太乙者在紫微宮勾陳口中星曰天皇大帝
秉萬國神圖天皇與太乙合東方日暈大風合西方日
暈雲氣合在南方大昏合在北方陰昏天皇與飛鳥合
天小陰雨與天時合有小陰昏與天尊合太陰日月有
變與五風合疾風起與太乙計數合有大風雨 天皇
者置積年以天皇小周二十去之不盡者命起武德順
行十六神至陰德大炁大武和德重留一筭外即天皇

所在也

推帝符太乙法

經曰帝符太乙者天節之使也星讚曰天節奉使專對無疑帝符若與太一合則日暈大風若合太乙旺相之地小雨小陰雲氣卒起若帝符與天目合小陰疾風日月有變帝符者置積年以帝符小周二十去之不盡從陰主順行十六神至地主高叢大威太族重留一筭外即帝符所在也

推天時太乙法

經曰天時太乙者昴星之使也雞鳴伺曉審晝夜察天
時與太乙合於旺相之地有風雲卒起或則陰雨也
天時者置積年以天時小周十二去之不盡命起呂申
順行十二辰筭外即天時所在也

推太尊太乙法

經曰太尊太乙者黃星之長也經曰太尊一星歲此聖
公太尊與太乙合旺相之地有陰雨寒合八宮日暈合

六宮陰昏合二宮太陰昏寒合四宮日暈太尊與飛鳥
合天溫小雨與帝符合天陰雨大昏與天目合天有陰
雨 太尊者置積年以太尊小周四除之不盡命起八
宮順行四正宮箕外即得太尊所在也

推飛鳥太乙法

經曰飛鳥太乙者七星之使朱雀之體也飛鳥與太乙
合旺相之地天星有變與天皇合有大風雨與天時合有
大陰風 置積年以飛鳥小周九除之不盡命起一宮

順行九宮筭外即飛鳥所在也

推五行太乙法

經曰五行太乙者五星之使也其變猶影響之與形聲也五行與太乙合旺相之地暴風大寒雲氣昏暗或即有雨與天目合有大風陰日月有變與帝符合風昏小陰與太尊合日月有變色小陰與天時合大陰風置積年以五行小周五除之不盡命起一宮以三五七九二四六八筭外即得五行所在也

推三風太乙法

經曰三風太乙者心星之使也謂心有三星故曰三風也三風與太乙合在旺相之地日月無光寒雲四起與天時合小陰與飛鳥合疾風雲陰日月有變色與太尊合小陰風與帝符合小陰與五風合日月色變與天皇合有小風日月有變與天日合大風雨 置積年以三風小周九除之不盡命起三宮次行七二六一五九四八筭外即得三風所在也

推五風太乙法

經曰五風者箕星之使也箕有五星故曰五風也樂產
經云月之精也上元甲子歲起一宮次行三五七九二
四六八周而復始若與太乙合旺相之地主日月連日
不見天暴風疾雨 置積年數以五風小周天除二九
不盡筭外即五風所在也

推八風太乙法

八風者畢星之使也畢星有八星故曰八風其星好雨

近之莆參其星好風樂產經云八政之風氣上元甲子
歲起二宮次順行九宮箕外八風所在也 置積年以
小周天法九除之命起二宮順行二三五六七八九一
宮

推太乙數法

經曰太乙數者五子元七十二之數也與太乙合日暈
大風數與太乙衝者日暈風起數得三十日暈大風數
得四十有陰雨黃霧數得五十與天目合旺相日暈數

與太乙挾天日陰雨日暈大風數與飛鳥合六八九宮
者日暈數與天地併日暈天十地九數與主計合日暈數與
天地相當大風置積年以太乙局法七十二去之不
盡命起一筭數外即得太乙數所在也

推十精太乙法

古者諸賢所論太乙歲月日時各有篇目推而求之臣
等今削去繁蕪撮其精要演紀尋元步歷考數並起上
元甲子求歲月日時之積十精以陽遁所衝即各得陰

遁十精所在也

推候十精太乙雲氣法

經曰常以太乙初移宮日出日午日晡日旁

餘二日不使也

及時

計初移宮時

餘二時不使也

當候日之上下左右若雲氣色青

而日時計得三四則變發在寅卯時若候雲氣赤色

而日時計得九二則變發在己午時若雲氣色白而日

時計得七六則變發在申酉時若雲氣色黑而日時計

得一八則變發在亥子時也 經曰帝符太尊天時五

行八風與太乙合在陽宮則為晴旱合在陰宮則為

陰雨

合陰合陽
者在位也

天皇與太乙合在陽宮則日暈晝暝天

皇與太乙合在陰宮則月暈夜大昏飛鳥與太乙合則

風從其下來天氣純厚則雨天氣華薄則風天氣黃霧

則暈天氣赤黑則風天氣青白則寒天氣凝潤則霧雨

雲氣如掃則晴雲氣色文彩輪囷蕭索則天大晴天旱

常以陽占之天雨常以陰占之十精陰陽若得旺相氣

則變疾速也

推太歲有陽九之災法

陽九災者若八元之始及元之末或與太歲衝併于分野亡國弑君事也該四千五百六十為一元四百五十六歲為一陽九也十三年移一邦命起寅邦順行十二邦筭外即陽九所在也 置演紀上元甲寅歲至今唐

開元十二年甲子歲積得一萬三千三百三十一年臣希明今求筭得災帝熙三十五年庚寅入第二陽九少昊十二年丙寅入第三陽九 至夏王相四年壬寅入

第四陽九後二十四年為羿所篡也 至殷沃丁二十

九年戊寅入第五陽九 至殷王庚丁十三年甲寅入

第六陽九 後漸國微至帝祿絕 至周平王宜臼二

十年庚寅入第七陽九 王室微弱政由方伯 至周

赧王延二十年丙寅入第八陽九 數盡之主 至漢

桓帝延熹五年壬寅入第九陽九 桓靈道喪至獻終

亡 至隋義寧二年即武德元年也戊寅歲入第十陽

九 隋祿永終歸於我唐 至太唐開元十二年以後

三百五十年方會陽九之數

推太乙有百六之厄法

百六者太乙之厄若八元之始及元之末或與陽九及太歲衝并於分野其災為篡弑之禍 置積年法以二百八十八年為一周十五周為一元共計四千三百三十為一元也二十四年移一邦命起寅邦順行十二年筭外即百六所在也

自炎帝神農一百十三年戊寅八第四百六

自帝來二十六年丙寅入第五百六

少昊六十八年甲寅入第六百六

舜帝五十七年壬寅入第七百六

夏王不降三十年庚寅入第八百六

殷王小甲四年戊寅入第九百六

殷盤庚二十七年丙寅入第十百六

至周成王誦二十九年甲寅入第十一百六

周宣王二十九年壬寅入第十二百六

周敬王九年庚寅八第三百六

秦始皇二十四年戊寅八第四百六

漢明帝永平九年丙寅八第五百六

東晉帝永和十年甲寅八第二百六

大唐貞觀十六年壬寅八第二百六也

太乙金鏡式經卷七

欽定四庫全書

太乙金鏡式經卷八

唐 王希明 撰

九宮分野

并序

一宮冀州

二宮荊州

三宮青州

四宮徐州

五宮豫州

六宮雍州

七宮梁州

八宮兗州

九宮揚州

絳宮交州

明堂益州

玉堂幽州

推九宮分野

昔者元始無象太素流形對越在天以為元首則記所謂冬居營窟夏居橧巢飲血茹毛未有麻絲者也及燧人鑽火庖犧出震風宗下武炎祚昌基晝夜無聞其規歸一揆也黃帝則東海江南登崆躡岱至於昆峰振蠻風山訪道存諸汗竹未可厚誣高陽任地依神帝嚳順天行義東踰鑿木西濟流沙北至幽陵南撫交趾日月所經舟車所至莫匪王臣不踰茲域帝堯時禹平水土

以為九州虞舜厥功彌劬表裡類而分區宇判山河而考疆域冀北創并部之名燕齊起幽營之號則書所謂肇十有二州者夏功至於唐堯啟亦無所損益周武克商自豐徂鎬至成王時改作禹貢梁徐入并青雍冀野拆於幽并職方掌天下之土以別厥州保章辨九州之野皆有星分焉

九州分野躔次

魏太史令陳卓因費直蔡邕月令章句頗有先後乃重

訂郡國所入宿度皆不取止取天文玉曆森羅紀內躔
次為正

角亢氐

鄭兗州

在天三十八度在地三十二度

東郡入角一度魯地

東平任城山陰入角六度

濟北陳留入亢五度

泰山入角十二度

濟陰入氐一度

邾東入氐七度

房心

宋豫州

在天十度在地十四度

潁州入房一度

汝南入房二度

沛郡入房四度

梁國入房五度

淮陽入心一度

魯國入心三度

楚國入心四度

尾箕

幽燕州 在天二十七度地同

涼州入箕中十度

上谷入尾一度

漢陽入尾三度

右北平入尾七度

西河上郡北地遼西遼東入尾十度

涿郡入尾十一度

渤海入箕一度

樂浪入箕三度

玄菟入箕六度

廣陽入箕九度

涼州入箕十度

斗牽牛須女

吳越揚州

在天四十一度在地四十三度

九江入斗一度

廬江入斗六度

豫章入斗十度

丹陽入斗十六度

會稽入牛一度

臨江入牛四度

廣陵入牛八度

泗水入牛一度

六安入女六度

閩在牛女之交

虛危 齊青州 在天二十七度地三十四度

齊國入虛六度 北海入虛九度

濟南入危一度 樂安入危四度

東萊入危九度 平原入危十一度

菑州入危十四度

營室東壁 衛并州 在天二十七度地三十五度

安定入營室十一度 天水入營室八度

隴西入營室四度 酒泉入營室十一度

張掖入營室十二度

武都入東壁一度

金城入東壁四度

武威入東壁六度

燉煌入東壁八度

奎婁胃 魯徐州 在天十五度地十八度

東海入奎一度

瑯琊入奎六度

膠東入胃一度

昂畢

趙彘州

在天二十九度地三十四度

魏郡入昂一度

鉅鹿入昂三度

常山入昴一度

廣平入昴七度

中山入昴八度

清河入昴九度

信都入畢三度

趙郡入畢八度

安平入畢十四度

河間入畢十度

真定入畢十三度

觜參

魏益州 在天三十度地三十七度

廣漢入觜一度

越雋入觜三度

蜀郡入參一度

犍為入觜三度

牂牁入參五度

巴蜀入參八度

漢中入參九度

益中入參七度

東井輿鬼

秦雍州

在天三十三度地三十七度

雁門入井十六度

定襄入井八度

雲中入井一度

代郡入東井二十八度

太原入東井二十九度

上黨入輿鬼二度

柳七星張

周三輔

在天十四度地同

弘農入柳一度

河南入七星三度

稱乃上相之人矣

論眉部 眉者媚也為兩目之翠蓋一面之儀表是謂木之英華主賢愚之辨也故欲疎而細平而潤秀而長者性聰敏也若夫麓而濃逆而亂短而蹙者性兇頑也眉過眼者富短不覆眼者乏財壓眼者窮逼頭昂者氣剛卓而豎者性暴尾下垂者性懦眉頭交者貧薄妨兄弟毛逆者妨妻不良骨稜起者凶惡多滯眉中黑痣聰貴而賢眉高居頭中年大貴眉生白豪多壽上有直理者

富貴橫理者貧苦中有缺者多奸計薄如無者多狡佞
是以眉高聳秀威權祿厚眉毛長垂高壽無疑眉色光
澤求官易得眉交不分早歲歸墳眉如彎弓性善不雄
眉如初月聰明超越眉垂如柳貧浪無守彎彎似蛾好
色性多眉覆眉仰兩母所養眉若高直身富清職眉頭
交破逆遭常有也

論眼部 眼本清靜所以生神為木星欲長秀分明白
如玉黑如漆聳耳入鬢者大貴之相也若短小而明有

異光輪動爍人者此又貴而有壽若睛凸四露視有神
彩者亦主權殺或大而無光長而無神外無上下堂赤
脉相侵睛視不遠眼頻動搖睡沉重不合目瞳黃者不
善相也董正曰眼頭如眼尾開合含異光者神仙之相
非凡相也更有白及當前還自驚潰而眼不及閃者此
主貴權上將之相也

腰背法論 行步緩而輕坐起正而實是謂有腰前視
如負物後視如帶甲是謂有背有背無腰初發後滯有

腰無背初因終亨於是發中亦多憂疑兩者全備則一生享富貴毀辱不能及利害不能動即有德之人且相腰背之法又不以魁偉而取但小以應小大以應大皆可矣故腰背有旋生者舉止重正面開精神藏陰隲滿氣色明然後能生欲知生之時金以四木以三水以一土以五火則不能生也欲漸不欲頓欲停不欲偏如壅腫肥大乃肉滯矣非謂之腰背則牛行步緩取之得矣

視妙經腰
背論同上

論腰 腰者為腹之山如物依山以恃其安危也欲得端而直濶而厚者福祿之人也若夫偏而陷狹而薄者微賤之徒也或薄短者多成多破廣長者保祿永終直而厚者富貴也細而薄者貧賤凹而陷者窮下裊而曲者輕劣蜥蜴腰者性寬而善尖蜂腰者性鄙而和夫臀高而腰陷者主賤腰高而臀陷者主貧大體腰欲端濶臀欲平圓則稱也

論背 背者一身之基址也人不論肥瘦輕重皆欲有

背夫有背者號為有土須得豐隆不俗如龜背而廣厚
平潤前者如昂後者如俯者福相也或屈而視下頭低
而蟠者非貴相也

論腹 腹者內包六腑圓長者可辨其貧富下養元靈
扁大者可知其愚智故腹欲得圓而大者智而榮貴扁
而長者愚而卑賤大而近下者名光朝野小而近下者
清聰長者圓如玉壺者巨富窄如雀肚者至貧圓而近
下者富貴圓而近上者貧賤尖而長者愚而賤橫而圓

者智而榮如抱兒者富貴如蝦蟆者貧賤貪婪如牛肚
者積財蹇縮如狗肚者窮寒如猪肚者賤如羊肚者貧
如衣裘者富如箝箕者貧寒肚有三壬者貴而壽肚有
好痣者智肚端而妍者才巧肚扁薄而醜者愚苦 又
云腹者包容臟腑乃身之營也欲濶大而垂囊若橫凸
者非也或若雀腹鼠腹不為貴相也

論臍 臍者是筋脉會要之地為臟腑總領之關故臍
欲深而濶不欲淺而狹深而濶者智而有福淺而狹者

愚而多賤生近上者衣食生近下者貧薄低向下者有
識突向上者無智圓而正者善士斜而醜者惡人藏而
深者福祿凸而出者賤矣大能容物者名榮邦國小而
一撮者惡傳千里

論四肢 夫手足者謂之四肢以象四時加以首謂
之五體以象五行故四時不調則萬物夭闕四肢不節
則一生困苦五行不和則萬物不生五體不稱則一世
貧賤是以手足猶木之枝幹節多者則不材之木也故

益金房巴渠成鳳興利蜀
劍梓遂嘉涪渝夔邛峒陵
資瀘戎牂黔果梁洮疊岷
宕武扶隴雋

八宮兗州

得北京滑濮濟蘄澶恩德博濱滄汾乾寧永淨之地也
兗州按禹貢濟河之地舜置十二牧則其一也周禮
東北曰兗州春秋元命包曰氐星為兗州端信也又云

蓋取兗水以為名焉

兗 鄆 濟 魏 滄 德 泰山 東平 東郡

任城 山陰 濟北 濟陰 邳東

九宮揚州

得潮福建江浙淮南徐宿亳黃連海之地 揚州按禹
貢淮海之地舜置十二牧其一也周禮東南曰揚州春
秋元命包曰牽牛流為揚州分為江南之氣操勁厥性
輕揚亦曰州界多水水勢波揚故曰揚也於古則荒服

之國戰國時其地分為楚也

揚濠壽光蘄舒和潤宣蘇

越杭欽婺處睦饒瀘梧廉

崖歙吉乾表洪循潮高瑞

邕雷杜鬱交滕震廣

絳宮

絳宮交州按禹貢揚州之域是為南越之王秦始皇略
定揚越以南戍卒五十萬人守五嶺自北徂南入越之

道必由嶺嶠時有五處故曰五嶺也遂定南越為桂林南海象等三郡非三十六郡之限乃置南海尉以典之

合浦 交趾 新昌 武寧 九真 日南 九德

象林

明堂

明堂益州按禹貢及舜置十二牧其一也為梁州之域周合梁為雍州之地春秋元命包曰參宿流為益州益之為言阨也亦曰疆壤益大故以名焉

成都 犍為 汶山 漢嘉 江陽 越嵩 牂牁

蜀郡 益中 廣漢

玉堂

玉堂幽州按禹貢冀州之域舜置十二牧其一也周禮
東北曰幽州春秋元命包曰箕星散為幽州分為燕國
北方太陰故以幽冥為號漢高帝分上谷置涿郡武帝
置十三州幽依舊名不改

幽州 范陽 燕國 右北平 廣谷 廣寧

代郡 遼西

太乙金鏡式經卷八

欽定四庫全書

太乙金鏡式經卷九

唐 王希明 撰

推敵國動靜法

推敵使言虛實法

推敵國有無間諜法

推敵來方面法

推太乙所在兵法

推始擊將臨二十八舍法

推太乙上下二目與太陰相并

推敵國動靜

經曰欲知敵國動靜者當用日時決之若客計得諸五
八門杜塞則敵不來若門具將發不掩迫關格主客俱
會太乙前此則所問皆吉敵來降不為寇若占北方事
天目數轉而南行者為來轉而北行者不來矣 假令
陰遁第三紀第五十二局乙卯時太乙在八宮陽德為
天目己為計神始擊將臨太族客計得七大將七參將一此為
五將發陰陽和主客俱會北方又敵轉而北方如此則
敵不為盜

推敵使言虛實

經曰欲知使言虛實者當用太乙所制以時決之若太乙能制客日客大將則敵使言實而可信若客日尅太乙宮反此言虛不可信也 假令陽遁第一紀二十五局戊子時占其時太乙在一宮地主為天日寅為計神始擊將臨大義客筭四十大將四宮參將二宮太乙在一宮屬金客大將四屬木以金制木則敵言實可信之

推敵國有無間諜

經曰欲知敵國有無間諜者當視天日以決之 假令
太乙在一宮太族為天目從太族至一宮為前內却從
太族至七二九為前外從大義八三四行去為後內若
客日臨陰主是為敵人入我境宜備之 假令陽遁第
一紀第二局乙丑時太乙在一宮大族為天目丑為計神始
擊將在陰主客計得一客大將一此局主客日與大將
俱會太乙前內下如此則敵之將卒並入我境宜設備
防之也

推敵來方面法

經曰塵埃起烽火舉射敵將多少有將無將從何方來者若將在陽有賊在陰無賊陽奇陰耦之數也 若筮得十六以上陰陽和賊來有將卒其數必多若筮十五以下賊少無將若天目臨左從東方來臨右從西方來諸五八門杜塞賊不來 假令陽遁第一紀第八局辛未時占賊太乙在三宮為陽有賊在陽奇之宮陽德為天目未為計神始擊將在大武客筮二十二陰陽和則賊

未有將有卒其數多客日臨左賊從西方來

推太乙所在兵法

宜居一祀西北方以牛脯三分酒三杯白絹為藉大將再拜祝曰 一宮太乙萬神護吾三軍令敵莫敢當我算得一出軍步卒在前車騎次之大將居中出門無剽掠宜居二祀正南方以牛脯三分酒三杯赤絹為藉大將再拜祝曰 二宮太乙萬神護吾三軍令敵莫敢當我算得二出軍步卒在前車騎次之大將居中出門無剽掠

宜居三祀東北方以牛脯三分酒三盃黃絹為藉大將
再拜祝曰 三宮太乙萬神護吾三軍令敵莫敢當我
箕得三出軍步卒在前車騎次之大將居中出門無剽
掠

宜居四祠正東方以牛脯四分酒四盃青絹為藉大將
再拜祝曰 四宮太乙萬神護吾三軍令敵莫敢當我
箕得四出軍步卒在前車騎次之大將居中出門無剽
掠

宜居六祀正西方以牛脯六分酒六盃白絹為藉大將
再拜祝曰 六宮太乙萬神護吾三軍令敵莫敢當我
筭得六出軍步卒在前車騎次之大將居中出門無剽

掠

宜居七祠西南方以牛脯七分酒七杯黃絹為藉大將
再拜祝曰 七宮太乙萬神護吾三軍令敵莫敢當我
筭得七出軍步卒在前車騎次之大將居中出門無剽

掠

宜居八祀正北方以牛脯八分酒八杯黑絹為藉大將
再拜祝曰 八宮太乙萬神護吾三軍令敵莫敢當我
箕得八出軍步卒在前車騎次之大將居中出門無剽
掠

宜居九祠東南方以牛脯九分酒九杯青絹為藉大將
再拜祝曰 九宮太乙萬神護吾三軍令敵莫敢當我
箕得九出軍步卒在前車騎次之大將居中出門無剽

掠

若算得單五十五二十五三十五皆為杜塞無門不利
出軍宜深溝高壘畫地而守之吉注云用遁

缺

推始擊將臨二十八舍法

古法云始擊將者熒惑之精隨歲計所遷臨二十八舍
於歲中各有所主之事矣

東方七舍臨角大人有憂兵出臨亢主民有疾疫之災臨
氏內有叛臣憂火災臨房主人君將相災臨心諸王憂
臨尾後宮驚恐后妃有災臨箕兵起

北方七舍臨斗爵祿闕梁閉塞臨牛米貴民飢犧牲多
死臨女后妃有疾病憂火災臨虛諸侯有憂更政令
或有赦臨危主歲多疾死者又有土工兵起臨室大
人匿謀歲不收臨壁文章興兵發

西方七舍臨奎有下臣為孽臨婁山林有寇道路不通
臨胃五穀不收臨昴胡人疾病燕趙兵臨畢有兵刑
罰相用臨觜將叛牛馬疾行臨參有移動事將有憂
南方七舍臨井川瀆滿溢小有兵動臨鬼后妃失勢民

多疫疾臨柳民飢饉流亡臨星憂火災臨張禮儀多
變易臨翼陰陽失序多雨水臨軫有死喪也

推太乙上下二目與太陰相并

經曰太乙文昌將始擊與太陰并

太陰者太歲
後二辰是也

主其年

必有隣國進婉淑之女入奉王庭 假令太乙在一宮

太陰在戌亥是也 若文昌將與太陰并憂上相與女

主挾謀事若始擊將與太陰并憂上將與妃主懷二事

被制之者尤甚驗也

推太乙與太歲格

經曰太歲格太乙格者主有崩亡兵役之事太乙在三
宮太歲在未申當有掃星出東北助太歲西南國前敗
東北國後敗若掃星出西南方反之皆東北主流亡疫
疾太乙在四宮太歲在酉當有太白出西方助太歲東
國前敗西國後敗太乙在八宮太歲在午當有熒惑出
南方助太歲北國前敗南國後敗若辰星出南方反之
兵革喪亡也太乙在九宮太歲在戌亥當有彗孛西北

方助太歲東南國前敗西北國後敗若彗孛出東南反
之主兵喪疾疫以上太乙在三四八九來格午未申酉
戌亥歲而言之此六年皆煞炁如有妖星出見其方
凶君王以修德禳之矣餘年皆生氣惟格對無害故不
言之

太乙金鏡式經卷九

欽定四庫全書

太乙金鏡式經卷十

唐 王希明 撰

推天子巡狩

推郡國舉賢良

推太乙擇日

推太乙擇時

推歲中災發

推域名厄會

推飛行四殺

推九州域名

推見聞虛實

推望行人

推執因

推求索

推叛已

推雜事

推天子巡狩

古法曰欲知天子巡狩之事當視太乙與天目在四維之歲則為天子巡狩若不出則遣使者按行風俗欲知出何方者以主目所臨起處決之 假今天目在陰德出東方行在和德出南方行在大炁出西方行在大武出北方行

推郡國舉賢良

經曰欲知郡國舉賢良方正學藝之士者則須歲計天地人具則郡國必然舉也王希明日近立新術雖得天地人具又須是亥卯未三合之年則舉也經曰若歲計過十六以上為天地人筭具則舉之若單九以下為不舉也

推太乙擇日

古法曰擇日之法有二若太陰九地之下曰利客太陽

九天之上曰利主蓋非太乙元經之義臣等今刪而不
取但以日計太乙局法看太乙局在何元紀宮分定上
下無掩迫闕擊則某日可以行師出軍征討興造百事
反此俱不利也法曰天目

以前為內
以後為外

一曰未在外或箕

得在外皆不得一曰天目掩內亦以前為內一曰主人
在外皆不得一曰天目掩太乙得而更失一曰欲擊捕
彼人則須知彼人藏匿之處當得太乙臨之又帶掩迫
往必擒之所捕之地如王相必被辱敗也

推太乙擇時法

王希明曰新術有擇時之法上自人君諸王冢宰后妃將相卿大夫士庶人等各設筭數而用之臣等今參詳此言屬乎膠柱非通儒之至論並皆削去斯不復錄今所擇時但取時計太乙門具將發陽陰和主客無掩迫則為吉時用此征伐興造庶務百事利若用此法擇時極天人之際理通神明之德也

推歲中穴發

經曰以歲合神徧加月建若天目掩格太乙即其月有
災變 假令上元甲子歲天目起武德若太乙在一宮
二月三月為掩八月九月為格若州郡君長運數厄會
遇之者宜預防之

推域名厄會法

古法曰欲知州郡厄會常以呂申加域名太陽所臨之
辰其州以兵徭為厄陰主所臨之辰其州以疾疫為厄
假令荊州屬丁未當以呂申加未則太陽臨酉酉年

其州有兵徭之厄陰主臨卯卯年有疾疫之厄李淳風
曰先以呂申加域名之干次以呂申加域名之支併而
推之今荊州屬丁未先以呂申加丁則太陽加辛陰主
加乙次以呂申加未則太陽加酉陰主加卯當以辛卯
年辛酉年有兵徭乙酉乙卯年有疾疫之厄也

推飛行四殺

古法曰若攻其域名與飛行四殺併合必有屠城之象
常以陰主加域名地主下為災殺又以域名合神加域

名災殺下為天賊殺月殺者孟月酉仲月己季月丑陰
殺下為天吏殺常以陰主加歲月日時地主下為災殺
又以歲月日時合神加陰主災殺下為鬼殺月殺下為
天敗殺也

推九州域名法

冀州丁丑 荊州丁未 青州癸丑 徐州甲辰

豫州乙巳 雍州甲申 梁州戊戌 兗州乙未

揚州癸酉 益州辛丑 幽州癸卯 交州壬申

又曰甲齊 乙東夷 丙楚 丁南夷 戊魏

己韓 庚秦 辛西夷 壬燕 癸北夷

又曰子周 丑韓 寅楚 卯鄭 辰晉

巳吳 午秦 未宋 申齊 酉魯

戌趙 亥燕

推見聞虛實法

古法曰若聞事以時計占之若天目掩迫太乙聞不善
事實聞善事虛若門具將發聞吉則吉聞凶亦凶若四

郭固杜聞吉不吉聞凶則凶經曰重陽有重吉重陰有重凶皆以重陽重陰併數決之

推望行人法

古法曰主人數在南方客數亦在南方此為自得主人之數焉不來又法曰望北方人得北方筭不來得南方筭來掩迫關格者未來又曰望北方人得八三不來得二七來又望東方人得四九不來得一六來望西方人六一不來得九四來望南方人得七二不來八三來各

以筭數論之也筭近一日來一曰以天目筭決之數
得二筭二日至或數得三三日至若數盡行人即至也

推執囚

古法曰天目掩迫太乙或主人在外或客立旺神皆吉
宜對吏入獄易解一曰主人在內主人立旺神不可入
獄對吏一曰太乙初入宮日入獄必遲留難解一曰太
乙與主人同宮天目臨之入獄易出見貴人解憂患也

推求索

古法曰筮得天目在內者吉可請謁見貴人及求財物
皆得若天目在外者反此天目前為內後為外筮得外
為孤內為虛一曰主扶客不可請謁求索反此皆得
若主人在內得在外不得一曰筮得天目在內者謁人
必在有求皆得利見貴人筮得天目在外者訪人不見所
求不得一曰天目格太乙見貴人請謁詞訟百事上下
格之一曰主人立王神不可以請謁及見貴者一曰天
目春夏得六秋冬得四皆不可用之

推叛亡

古法曰討捕叛亡當用時計以決之若容格主人或天目在內或太乙與主人同宮或天目臨之皆為捕得也主人挾客客筭長天目在外皆不獲

推雜事

古法曰天目掩太乙出征興造買賣百事皆敗天目迫太乙行者見呵留客挾主人或得廢筭并凶一曰門具將發陰陽和百事吉反此凶一曰凡占萬物皆以太乙

立休旺神決之


刑日天陰下霧空有風多也遊曲日天陰主有風雨半
陰半晴大集日天陰主有夜雨晝有微少會曲日天陰
主大旱傷田禾萬民災武曲日天陰主風損田禾也


占雨日有無多少

太乙日下雨上見日光太歲日下雨風霧三刑日風隨
日光止遊曲日風雨隨日光止大集日雨名乍雨未時止會曲
日下雨午時日光止武曲日下雨福丙丁日止也

太乙占雨法

此法從未上數初一日順行十三日遇太乙太歲等日
必見有雨無雨之驗也





太乙金鏡式經卷十